

芹山集卷之一

賜進士及第翰林院編修門人胡正蒙編輯

賜進士出身南京戶部郎中門人莊朝賓校正

奏疏


監督疏

戶部湖廣清吏司主事臣陳儒謹

奏為監督收放糧斛禁革奸弊事臣叨任前職先奉本

部劄付照依題奉

欽依事理前往昌平州住劄監督收放隆慶等倉糧斛禁
革奸弊等因除遵依外臣惟



國家之大計莫重於邊防而生民之命脉尤繫於財賦
故洪範八政食貨爲先孔子論政足食足兵而食尤
其所急是尤不可不先時而慮豫爲之所也顧圖惟
國計立法每極於周詳而因仍積習人心日入於玩愒
則隨時採弊而所以覺察於其間者又烏可不加之
意哉臣待罪言曹叨承委任其於倉場事宜亦嘗少
加詢訪得其梗槩事干錢糧不敢緘默雖芻蕘之言
無能爲萬一之補而職思其居惟敬守臣工之秩謹
用條陳上塵

啓如蒙乞

勅該部議處通行一體嚴加查理禁革則倉場可清而

國計攸重矣冒瀆

天聽臣不勝戰慄隕越之至

計開

一稽察錢糧以杜侵欺臣惟事莫重於錢糧勢易入於
侵盜防檢少弛蠹耗日甚而况邊關糧草又以備軍
需緩急之用尤有不可不慎焉者也臣查得見行條
例凡監守自盜倉庫錢糧若宣大等處盜糧二十石
問發邊衛充軍及京通臨淮徐德等處盜糧四十石
亦照前擬充軍夫罪至充軍且發邊衛此其爲法不

已嚴乎臣近據各倉申到月報查得循環厥經而收放之數目不同官攢屢槩而經該之次序錯亂中冓恐有侵盜情由已經具呈本部行令查盤臣即親詣鎮邊城等倉并行委昌平州判官鄧璽等將一應糧料草束自正德十二年以後至嘉靖三年十二月終止以前吊取各年卷簿逐一查盤隨據該州申稱居庸倉攢典權中原收粟米甫及一年而虧折至二十餘石等因到臣覆行查得該吏役內循環文簿或前月實在若干而次月脫漏一二石者有之或本無軍馬等項支給而捏寫文移者有之或前官已曾放支而復混賴致與文卷不相對者有之乘錢糧之附餘則盜膏侵欺稽循環之倒換而那移出納除將犯人權中行令該州監候問擬外所據前項情弊恐不獨一倉為然若不嚴加稽考深恐奸頑之徒轉相效尤私相交代以自利盜竊

國賦而不知事干錢糧法所必究如蒙乞

勅該部通行各該管倉衙門一體嚴加稽察凡官攢每月放過錢糧某項主兵若干某項客兵若干其餘官軍等項若干吊卷宗以考真偽磨對扶捉之文移據循環以竅收除重防錢糧之增減或數目未明則行查

前路或新舊相代則監盤正糧按月一次親行查對
凡舊管新收開除實在項下務求種種明白至年終
仍通行磨算徹其不職如成周旬終月終歲終之考
中間果有侵盜那移等項情弊即行照例問擬發遣
追陪庶稽察嚴而奸偽可防矣

一查考屯田以防欺隱臣惟則壤以成賦有田則有租
此古今不易之成規而欺隱田糧則法之所不宥者
也臣據隆慶衛後所小旗萬安揭帖爲陳言邊務冒
造虛出實徵糧米革除奸弊恤濟貧軍以固邦本事
內開照得本衛該納屯糧二千八百餘石先年奸人

常斌妄告上納不敷將無地軍人月糧充扣其管屯
積年寫字人等不將實數名糧充扣准納却將無糧
詭名捏寫在冊准作其數逐年虛出以爲營計等因
在卷臣查得該衛先年兌扣影射多端已經本部議
擬不准續該本衛軍人劉偉等告蒙巡撫衙門題將
嘉靖元年以後屯糧盡行兌扣兌不盡者各照數上
納完足如有影射虛兌情弊查出聽撫按叅究重治
等因臣惟量地起科每歲赴倉交納者一定之法也
兌扣還官因以俯順人情者通融之術也使承種官
軍果能從實兌扣還官一可以節省軍儲一可以寬

免追併則亦豈非通融之善者哉柰何法久弊生奸
頑之徒巧為趨避假兌扣之名為漁獵之計臣嘗訪
之如某官該徵二十石而本身之月糧不足則捏寫
逃亡之姓名用充該納之糧數利入於私家賦虧於
公室此其為弊一也如某軍已行扣除矣而復改易
本軍之姓名造入各項之差役附名於紙盜糧於倉
此其為弊二也延捱觀望過期不完中間或為事或
逃故例應扣除者仍作兌扣正數不行還官納倉此
其為弊三也貪官奸吏爭相竊取本欲俯順人情反
以滋生奸弊其於

國賦何如哉如蒙乞

勅該部轉行撫按衙門查勘影射虛兌情弊一體嚴加禁
治仍行管屯僉事將該徵屯田一一親行踏勘見今
地畝若干應納屯糧若干某月應扣若干扣除不盡
零糧若干定冊籍以起徵科嚴覈逃亡之影射依期
限以嚴追納用杜奸偽之侵欺如有事故責令還官
中間但有將逃亡事故姓名捏寫在冊朦朧兌扣及
本部委官主事監放月糧審有朦朧冒支希圖侵分
等項情弊各行叅

奏管屯并掌印等官各照依侵欺事例問擬施行庶覺

奏上
五
察嚴而宿弊可祛矣

一申明法禁以肅倉場臣聞理財正辭禁明爲非曰義故道以政齊以刑亦聖人之所不廢者也臣查得刑部題

准見行事例一在京在外并各邊但係一應收放糧草去處若職官子弟積年光棍跟子實頭小脚跟官伴當人等三五成群搶奪籌斛占堆行槩打攬倉場及欺凌官攢或挾詐軍民財物者杖罪以下於本處倉場門首枷號一箇月發落徒罪以上與再犯杖罪以下免其枷號屬軍衛者發附近俱永遠充軍及一內外

倉場等處糧草并各處軍需等項不拘起運存留但有包攬誑騙不行完納事發問罪責限三箇月以裏納完者照常發落過期不完者儘其財產陪納發邊衛充軍經年不完者仍枷號一箇月照前發遣各邊武職主使家人伴當跟隨交結人員挾勢攬納作弊者叅問降二級聽使之人仍照前例問發等因立法未始不嚴但因循既久人心玩弛訪得本處車戶腳頭人等俱是各衛指揮千百戶等官子弟凡遇大戶解納錢糧用強包攬高擡價值及至錢糧已納在官三五成群日行窺伺或假無憑之片紙而盜取官糧

或乘支放之倉卒而公行背負恃虎豹在山之勢而莫敢誰何竊小民膏血之資而貪求罔極習以成風罔知攸畏除將犯人陳思中等照例施行外臣竊惟前項事例皆以爲除奸革弊之圖經久常行之慮小民無知乃敢有玩法欺公者出往往蠹虧國賦勒害愚民則所以釐革振勵以布法於邦國都鄙在今日亦有不容緩焉者矣如蒙乞

勅該部移咨都察院轉行各處撫按衙門一體申明嚴加禁治仍翻刻大字告示於各邊倉場門首常川張掛曉諭敢有仍蹈前非者果係職官主使聽臣等指名

奏其一應光棍人等亦各照例問擬枷號發遣施行庶法禁嚴而倉場少清矣

一斟酌歲派以足邊餉臣聞之王制曰國無九年之蓄曰不足無六年之蓄曰急無三年之蓄曰國非其國也夫倉庾無擔石之儲軍士有倚矛之困臨時補湊又安保其無缺乏也哉臣查得隆慶等處每歲實支米豆共八萬八千一百四十石有零今每歲會派共四萬八千八百六十七石有零凡各處解到錢糧止穀半年有餘至秋冬每每缺乏或分守等官呈擾本

部或軍士人等告赴分司此在承平猶之可也萬一
有警倥傯待哺不識將何取給乎臣查得先年為緊
急聲息事各處缺乏糧草召商糴買姦商乘時射利
貪求無厭每每指勒不前以致本部再三添價方纔
上納然又皆權豪勢要詭名占窩互將粗惡米豆及
折爛草束乘機搪塞坐得厚利臣愚以為與其貿易
於有事之時孰若預派於承平之日臣嘗以各處歲
支歲派數目具呈本部已蒙准行量為加添但各處
之歲用數多而錢糧之坐派猶歉前日之所以足用
者以有數年之積也今日之所以告乏者以無仰給
之儲也臣請自嘉靖五年始凡每歲坐派於隆慶等
倉各量添一二分行令各省依限徵完以為儲蓄之
地夫一年有一年之儲積之三年可知也又積之六
年九年則又可知也待其儲蓄有餘可備主兵客兵
之用仍具呈本部量為減派如前再照鎮邊長峪二
城係新添設近據該所申稱地方苦寒不通商賈乞
要坐派本色一節為照二城僻遠又係新設經年止
關折色似為人情不堪亦合議處乞於明歲量為坐
派本色以培士氣庶會計周而緩急有備矣

一申嚴軍律以重

國賦臣聞之陸贄曰財匱於兵衆力分於將多夫邊關
爲要害之地軍士有防守之司則所以撫循而體悉
之者固不可一日不加之意也但

祖宗立法衛所各有定名軍士額有定數雖或召募亦有
常期故在京軍告補必須兵部行勘果係的親弟男
子姪冊籍有名方准替役事一專於本兵雖五府亦
不得而擅收蓋所以重兵權而杜陵僭也訪得隆慶
衛白羊口黃花鎮渤海所等處分守并指揮千百戶
等官聽從積年主文寫字人等撥置凡遇軍士逃亡
不行清勾輒將市井無賴并老弱不堪之徒潛通賄

賂不奉明文徑行頂補殷實者取以爲月錢之資狡
猾者占以爲私門之役甚至一人而應當兩役如薛
景春者有之一役而前後異狀如方仕順者有之臣
嘗監放其地間之墩臺則茫然無知查之冊籍則紛
然不一其他緊關去處亦徒諉諸孱弱虛應故事一
或警報則任意脫逃貪其衣糧則營求首補利一歸
於債帥歲深耗夫

國需倉庫之大壞極弊職此故也是可不爲之痛心也
哉臣嘗查得先任巡關監察御史屠僑亦嘗具奏其
言曰各衛或有以亡爲存以逃爲在附名於紙罔糧

於倉所謂舊管收除實在皆不過爲苟且文書而已
新收者安知不爲附贅實在者又安保其有無虛假
夫以本官親歷邊關洞悉奸弊是以形之章奏該本
部題奉

欽依劄委臣等專官督理迄今歷年未遠而奸弊日滋甚
非所以恤民隱而重

國賦也臣愚以爲治必有體政無多門一或少假於武
夫不無有乖於

國法如蒙乞

勅戶部移咨兵部及都察院通行禁諭凡軍士逃亡者即
行發冊原籍清勾如或替補必須經由巡關監察御
史行令該衛查勘果係的親弟男子姪歷年冊籍有
名方許保送准令補伍食糧其分守等官不得違法
擅補如再仍前不悛查考得出指名叅奏官以違
制論軍以常人盜倉庫錢糧論其脫逃出首者審係正身
限內告理免罪如有經年在逃任意告補亦照依守
衛官軍逃者律問擬明白方准收糧庶紀律嚴而
國需有節矣

戶部奏略

計開

奏疏上
十一
一停罷採取

臣竊聞不寶遠物則遠人格所寶惟賢則邇人安自古帝王之治天下未有不以節儉為先務者

陛下臨御之初罷貢獻絕玩好停宮室中外翕然稱頌以為太平可以立致近因承運等庫具奏缺乏珍珠寶石祖母綠猫眼石鴉鶻并成造金兩等項遂至移文遠索雲南兩廣等處或又騰價貿易都市人心騷然殊求日急夫

開寶等項誠不可缺但今地方災傷民窮財匱廣田州思恩等處寇賊猖獗軍餉艱難屢經撫按衙門奏討調度不給而乃以不急之務搜天下似非治平之所宜有昔堯舜投珠於山抵璧於淵

陛下遠師堯舜而顧不此之思乎伏惟

崇慎儉德將前項採辦之

命亟賜停止凡

內宮首飾如果甚不可缺止於內庫收有先年珠寶量行供用待年豐事寧之日另行議處則柔遠能邇人心自定

一查革冒濫

臣竊聞爲國有三冗曰冗官曰冗兵曰冗食我朝官有定員兵無冗濫其後日漸加多武職雜流勇士軍匠浸淫於正德年間而冒濫極矣幸遇

聖明登極痛加釐革太倉始有四年之積近因前項人役恣行奏擾

勅下兵部行令查覆雖屢經該部并科道等官執奏而聖心猶曲賜議處致令已死寒灰希燃且又統計其數動幾千計則歲支俸祿月糧又將幾百萬石矣即今江南在在旱荒閭閻蕭索重以漕河不通民勞疏濬萬一歲運不前竊恐京師首官之俸給各邊軍士之資

將無所仰竊笑是可不爲之寒心哉伏望聖明軫念

國計空虛民生日困將近年一應查革冒濫者照依近日科道部屬查勘果係事例應留者量行議處外其餘仍照舊通行裁革庶

國用少紓邦本自固

一查覈邊餉

照得各邊設有衛所給有衣糧先年未聞拖欠近來每每告稱缺乏者無他歲額有限蠹費無窮而交通陰壞之弊大約有三一曰侵盜之弊二曰冒支之弊

三曰按伏之弊近該給事中劉祺陝西查盤得寧夏等衛指揮同知等官王章等有侵盜糧至一千六百餘石草至三千七百餘束者有接濟軍餘銀兩買求硃串虛出草七千五百束者又有受商人枉法銀九十餘兩捏稱地方災傷已領官銀而不行上納者及查宣府各衛所食糧文冊有虛捏增添至四五十石又或經手錢糧原收不足慮恐查盤則假以接伏爲名動調軍馬出遊境外比及往迴三四日而錢糧坐費又已千百計矣此皆生靈脂膏恣行浪費已經給事中劉祺等將寧夏等處罪犯叅奏特蒙

恩宥止將宋臣等七名提問其餘止於罰俸夫錢糧侵盜幾千萬計科道查盤歷一二年比及事完叅奏不過曰罰俸而已則將來姦盜成風肆無忌憚其又孰知所警哉邊餉空虛殆非細故合無通行各邊巡撫并管糧郎中今後徵收并報納糧草必須選委素稱廉幹公正官員嚴督大戶商人於緊要城堡上納完足委官覆盤明白方許領價不得將在官銀兩先行領出以致侵費中間果有侵盜各邊糧草數多及虛出通關等項情弊聽查盤科道及各該巡撫管糧郎中仍不時查訪得實各徑行拏問叅奏務遵照

欽定梟首并發遣事例問擬以爲各邊之戒仍通行各該鎮巡總兵等官將該鎮軍士人等逐一嚴加查審見在其營保某城若干每月該支糧若干省令各該衛所但有逃亡事故者就行截日扣除如有朦朧造冊希圖冒支巡撫并本部管糧郎中主事等官就便指名叅奏各照例從重問擬及照各邊人馬亦止於本城整棚嚴加操備待報啓行不必假以按伏爲名日支糧草如有十分緊急聲息仍照

會典內事理出百里之外方許支給其餘不得妄行奏支致費糧餉庶幾法令嚴明邊儲可節

一議處積貯

竊聞千里餽糧士有饑色故古之善備邊者率以積穀爲上計趙充國屯田湟中西羌坐困此老成深長之慮萬世可行者除另行查議開復外其在今日則莫若糴買爲便宜近該宣大等處糧草每每告稱缺乏上勞

聖慮或發內帑或開引鹽又或議處空運京糧勞民動衆殆無寧歲揆厥所自蓋各邊糧草例該上納本色後因民運艱難議准折銀解京發各邊折支俸糧及糴糧備用載在

會典軍民兩便其各該巡撫并管糧郎中若肯悉心遠慮
乘時糴買或三年而有一年之積或每歲足供一歲
之用先事既已經營臨時豈至缺乏之但司其事者往
往避嫌延捱歲月遷轉而去比至凶年加以師旅放
本色則倉察空虛放折色則價值增倍不得已乃議
召商然又皆權豪勢要詭名占窩互以粗惡米豆及
澆爛不堪草束乘機搪塞坐得厚利爲照錢糧歲不
可缺與其支持於有事之時孰若預處於承平之日
今無通行各邊巡撫并管糧郎中自嘉靖七年爲始
用糴料草束若干原額坐派若干預先差

人分投探訪地方豐歉時價低昂將發去年例銀兩
趁時糴買務足一年坐派原額官軍馬匹支用之數
若遇豐收仍要多積歲終將一應糴買過糧料草束
數目呈部查考著爲定例歲復一歲儲蓄自周然後
因時制宜本折兼放至於召納仍照先年巡撫都御
史劉大夏事例省令各小戶量其所積糧料草束或
三五十石或一二百石或三五百束或一二千束不
拘多寡不論遲速徑自搶納完足方許領價不得聽
信委官先將銀兩領出以致花費亦不許權豪勢要
把持包攬動至數千百萬石束展轉稽遲致虧

國計如有故違侵欺占納聽撫按等官糧郎中拿問照
依律例從重問擬其各該監臨等官若有推姦避事
及受賄徇情致招物議者亦聽本部查訪指名參奏
庶有備無患邊防自固

清田疏

時鄒公文盛為戶部尚書儒以廣西
同郎中署雲南司事具草公上封事

戶部題為差官查勘地土爭雲南清吏司案呈戶科

抄出

欽差戶部等衙門右侍郎等官王軌等題臣奉

勅近京八府地方多有被姦人將軍民徵糧地土投獻與

勢要之家朦朧奏討作為莊田侵占強奪捶撻逼取

地祖雖節經奏辯委官勘斷終不明白民既失其常

產何所恃以為命逼迫逃竄者實多近該內閣輔臣

具奏乞命官查理朕允所請勅下該部覆題稱前項

地土嘉靖初年已經奏差科道部屬等官查勘明白

係官歸官係民給民但清查之後亦有泛濫乞討侵

占混賴及冊報田土項畝未明者相應勘處今特命

爾前去各該地方會同科道官從公踏勘不問皇親

勢要除已賞有田土足勾者不動但係泛濫乞討及

額外多占侵欺民業曾經奏訴者查調籍冊再勘是

實都退與軍民照舊管業各項草場亦有將軍民地

土混占致令失業一體清查斷理其先經科道官勘明無人奏訴者不必重復丈量致有繹騷嘉靖元年以後凡乞討混賴并勘報未明者查照戶部冊內覆勘明白應給還改正者各要著實舉行其餘該載不盡事情照依戶部節次奏准通行事理斟酌處置各該軍衛有司官員凡事干地土俱聽爾差委敢有推托不理及抗拒沮撓應拏問者就便拏問應參奏者指實參奏爾為大臣受茲簡任務須持廉秉公悉心經理既不許徇情聽囑縱容勢要侵奪民業亦不得備聽長姦致令頑民誣害良善務在事體穩當人清

安妥庶副朕恤民固本之意爾其欽承之故勅臣鶴

鳴臣准各奉

勅會同臣軌欽此欽遵臣等查得先該少師兼太子太師

吏部尚書

華蓋殿大學士楊一清等題節該奉

聖旨近年裏八府地方多有被姦人將軍民徵糧地主投獻與勢要之家朦朧奏討作為莊田侵占強奪捶撻逼取地租雖節經奏訴委官勘斷終不明白民既失其常產何所恃以為命逼迫逃竄者實多京畿如此在外可知便著戶部差侍郎一員科道各差公直風

力官一員領勅前去各該地方踏勘不問皇親勢要除已賞有田土足勾的不動但係泛濫乞討及額外多占侵奪民業曾經奏訴的查吊籍冊再勘是實都還與軍民照舊管業各項草場亦有將軍民地土混占致令失業一體清查斷理欽此備咨關劄臣等欽遵會行間續為振餘財以足

國恤民事該戶部題該太子太保吏部尚書兼翰林院學士桂萼題前事等因覆題節該奉

聖旨草場地畝行近日差去清查田土侍郎科道官勘明處置欽此備行臣等會同俱經通行總理委官提督北直隸屯田僉事孫璽并順天等八府委官欽遵查勘去後臣等隨會同先詣順天府所屬州縣逐一覆查得御馬監牧馬草場五十六處原額共地五萬三千四百餘頃先年科道清查冊開共地四萬四千七百餘頃臣等今次會同查量得前項地五十六處總共三萬五千八百二十三項內除原蒙

欽賞并軍民糧額及蘆葦等項實在草場三萬三千二百六十五項內又除公解馬牛房及拋荒地等項淨有徵收子粒地二萬一千五百七十餘頃生草牧馬地五千九百三十九項各場頃畝比先冊開或增或減

數多不同總計比先共少地八千九百二十餘頃審
據巡馬官旗佃地人等結稱先年丈量止以沿邊大
圍取數不的今次截斷細量頗爲詳密其有增減皆
係實數猶恐不的又經別委重量親詣掣覆及驗封
界如故與結相同查得軍民地土多有先年未經勘
斷及已追給而復壓占者行據各該委官查審卷冊
鄰証明白照數撥給豁出界外有罪人犯依律問擬
叅詳發落應叅官員俱候事完查叅外臣等竊計草
場前地見耕成熟二萬一千五百七十頃每畝照例
徵銀三分歲該銀六萬四千七百三十餘兩蘆葦地
三百五十九頃不費人力旱澇俱成并拋荒地一二
七百餘頃仍復召佃亦各每畝徵銀三分歲該銀六
千餘兩及杏各馬房太監等官原種地一百二十四
頃近該戶部覆

題各倉場內官查照永樂年間事例量爲裁革每房止
留四員合無每馬房照官數留地共八十頃外餘地
召民佃種歲該銀一百三十二兩勇士止以養馬爲
後已有月糧每名又自種屯地五十畝共地二百五
十餘頃比之軍民種地納糧當差若樂大有不均亦
合一體照例每畝徵銀二分歲該銀七百五十餘兩

及照填上大馬房等處原有馬神廟先年科道清查
冊開地一百餘頃今宜裁革除地十頃以供香火外
餘地亦照例徵銀歲該銀三百三十餘兩通共歲可
得銀七萬二千餘兩臣等查得近該工科給事中等
官陸繁等

題稱查過各場實在馬牛駝騾等項大約草料每歲共
該用銀六萬六千餘兩以前地賦之所入供茲歲用
之所出已綽有餘况今草地尚有五千九百餘頃除
留置四十頃以畜牧外其餘地以後照例徵銀歲
可入銀五十八百餘兩以是計之每歲除各馬房歲

用外尚餘銀一萬一千四百餘兩可備災傷蠲免補
湊不敷之數但前項召佃銀兩往歲俱係該監自行
收納每畝不止三分佃種小民率多賠累今後合無
照依莊田事例行令順天府轉行各該州縣徵收解
納戶部每年合用料草照數給發該倉監督主事召
商糴買支用若價省積餘扣算還官再照戶部歲派
北直隸山東河南三處各馬牛羊房倉料草數多每
歲雖徵解折色赴京召買然解戶一到該倉內官斗
庫奸商吏皂人等需索常例通同勒騙所費不貲今
各倉既有前項銀兩以給歲用矣合無將三處歲派

奏野上
草料戶部行令徵解輕賚徑發太倉交收備買支運
或以類邊庶事省民安公私兩便又召佃一節舊多
不均今後合令各該州縣分爲上中下三等上等受
地不過二頃中等不過一頃五十畝下等不過一頃
莊頭不過四頃如有恃強冒濫多占者從重究治以
戒奸貪其各場邊界已經題奉

欽此以築封堆挑開溝塹仍令明春種樹嚴別界限永絕
後爭然法立貴乎能久督理要在得人切照各倉監
首主事政務甚簡可以兼管合令督同順天府分管
官員催徵各該州縣地租銀兩斷理莊佃告爭詞訟
遇有水旱災傷卽呈本部具

題量與蠲免如此則弊因法而斯革法因人而可行沃
野均業乎貧民而得免暴徵之苦公利不歸于私橐
而轉爲實用之資是皆由我

皇上仁恩覃布旣固本以寧邦
廢筭旁通復制財而裕

國而大學士楊一清等吏部尚書桂萼又能先後建明
而將順之固非一時之小補實爲萬世之良圖臣工
交賛于

朝黎庶騰歡于野臣等忻逢茲盛祇奉

綸音夙夜驚惕圖稱任使雖則心力既竭而知無不為猶
恐才識短淺而筭有遺策伏乞

勅下戶部再加詳議

聖明俯賜裁決施行等因題奉

聖旨戶部看了來說欽此欽遵抄出送司案查先為前事
該少師兼太子太師吏部尚書

華蓋殿大學士楊 等具題節該奉

聖旨各項草場亦有將軍民地土混占致令失業一體清
查斷理欽此又為振餘財以足

國恤民事該太子太保吏部尚書兼翰林院學士桂

是稱各馬房選差科道官前去清查及本部復照得
各該馬房草場正德十六年科道官奉

勅查勘過地四萬四千七百四十餘頃內除給主外實有
地三萬三千餘頃足供林飼却乃各收花利盡入私
囊而又冒費歲供陰肆侵盜殊乖

祖宗設立草場初意乞要併令差去官員將前項草場查
照先次科道官造報地上頃畝將每年所收銀兩除
每馬房量留若干以備修理公用并留荒蕪地土牧
放外其餘每畝徵銀三分類解本部召商糴買本色
料草以備一年支用如數有不敷方撥民運補納省

下原派料草折銀改送太倉聽候湊買支運及預備
邊儲仍於八年會計錢糧另行減派等因具題奉

聖旨草場地畝行近日差去清查田土侍郎科道官勘明
處置欽此俱經通行去後及查弘治六年先該戶部
題稱要將各項莊田地土及牧馬草場各照原定則
例許令佃戶將該納子粒每畝徵銀三分水田量為
加增送本管州縣上納等因題奉

孝宗皇帝聖旨這本所言有理都准行欽此又為陳言固
邦本斥奸邪以蘇民患事嘉靖二年該順天府通州
軍民陳子敬等奏稱先年祖遺納糧地土正德年間

被劉瑾谷大用倚恃權要勘作草場乞要差官查勘
該本部議擬具題節差科道部屬等官夏言解一貫
等通行查勘退給照舊管業等因題奉

聖旨是欽此又為查處首宿場地事該本部右侍郎王
等題稱首宿場地見生首宿不及四分荒地空間六
分有餘要將新耕種地四十頃生種首宿其餘皆附
郭沃壤應合召人佃種徵收子粒等因該本部議擬
覆題奉

聖旨是這首宿場地既該各官查勘明白計處周悉都依
擬行欽此今該前因通查案呈到部看得本部等衙

門右侍郎王 等題稱查得

御馬監草場五十六處總共三萬五千八百二十餘項
除各場原蒙

欽賞官國公張鶴齡等并查給壓占軍民糧額及蘆葦等
項外今次勘過實在地三萬三千二百六十餘項內
除公廨馬牛房及拋荒地等項淨有徵收子粒地二
萬一千五百七十餘頃生草牧馬地五千九百三十
九頃要將前項地土議擬各該馬房秣飼并官員資
贍香火其餘拋荒并生草地畝屯地蘆葦等項地土
俱召人承佃通共歲該銀七萬二千餘兩各照依莊

田事例徵銀解部并委各監督主事催徵前銀巡視
邊界等因一節為照

國家設有草場延袤萬頃今各該馬房隨時牧放則物
遂其性而雲錦成群利因其地而飛芻少息其有多
餘地土則召民佃種量畝起料蓋欲使地無遺利人
無遺力卽古者均田授民之意其先年權奸用事妄
稱養馬奪占民田名為牧馬草場實則徵收花利地
連阡陌而顆粒不入於公家馬廩牧圉而錢糧盡歸
於私橐積習之弊蓋亦有年幸遇

皇上御極首

認清查頃清宿弊茲因輔臣楊 等吏部尚書桂 所奏
及本部節行具題事理特遣侍郎科道等官清查畿
輔諸郡蓋恐豪強兼併小民無依而匹夫匹婦尤有
不得其所者 臣等有以仰窺

聖心之至仁矣今侍郎科道諸臣奉

命周旋閭閻一歲沿坵履畝相地宜民乃遂丈量出前項
地畝分以授民則顛連無告各得一區而窮簷蔀屋
之下罔不仰沾

聖明膏澤之施矣况計每畝徵銀三分歲可得銀七萬二
千餘兩用以糴買糧料可以少裕吾民之供億兼充
邊鎮之軍需中間裒多益寡稱物平施議處周詳官
民兩便既該各官會奏前來相應依擬合候
命下本部移咨本部右侍郎王 會同科道等官即將查
勘過

御馬監草場五十八頃除公廨馬牛房等項外其生草
牧馬地合准四千頃專資牧放填上大馬房原有香
火地四頃照舊不動東安縣

御馬監馬神廟留地十頃用供香火二十馬房太監等
官除地八十頃分給養贍其餘見耕成熟地二萬一
千五百七十餘頃蘆葦地三百五十九頃有零拋荒

地一千七百餘頃生草地退出一千九百三十九頃
有零各官多餘退出地四十四頃勇士原種地今退
出二百五十餘頃俱各召入承種內拋荒地少寬一
年生草地寬恤二年與前項成熟等地俱照依

欽奉莊田事例行令順天府徵收解部不許該監人員收
納肆行搭剋重困小民通計一歲該銀七萬二千餘
兩本部卽於每年查照各該馬房會派該用料草就
將前項解到子粒銀兩照依本部題

准見行事例召商糴買支用除各馬房歲用外尚有餘銀
留備災傷蠲免補湊不敷之數其每歲坐派北直隸

山東等處錢糧中間多有勾二五年或七八等年
用俱候至嘉靖八年斟酌派免已經題奉

欽依合照原議施行其召佃地土不均委於人情未便合
就行委屯田僉事孫璽督令各該州縣審編殷實人
戶充當莊頭其各佃戶上等管地不過二頃中等不
過一頃五十畝下等不過一頃莊頭不過四頃悉如
所擬如有恃強多占者許諸人徑赴撫按衙門或管
屯僉事具告從重究治夫各項頃畝既定管屯官仍
於明春督令種樹嚴別界限以後年分過有坍塌湮
塞枯缺等項就行及時修理栽種庶溝塗封植井然

有條將來之紛爭可杜而小民之生業自安矣其追
徵拖欠銀兩告爭田畝詞訟奏報水旱災傷俱係撫
按并屯田衙門有行宜從照舊本部官不必兼管及
照各場原設巡青官旗人等先該給事中
等官陸粲等具題本部議擬每房設官一員如有馬百匹者撥
與軍旗五十名責令用心喂養其餘俱查照宣德年
間事例發回原衛所差操亦經題奉

欽依移咨兵部查處去後別難再議臣等竊惟王道莫先
於保民而更化乃可以善治况

聖德為諸夏之本子惠宜先而田畝係生民之命德行
允速前項項畝屢經踏勘卒未清明蓋或格於幾會
之未逢或限於綜理之弗及允協成功有待今日是
蓋推恩百姓

聖學有得於心箴幹旋化機臣謀交修於入告而諸臣承
命不違克竣厥事

廓清釐正固未有過於今日之舉者也如蒙伏望
皇上念臣工贊襄之忠思小民關係之重特加

宸斷悉照諸臣擬議

俯賜施行用昭

聖政其以後年分如有強奪民田紊亂

經制及妄行

奏討致啓爭端者悉聽科道并本部及巡青等官指實

叅奏從重拏問究治具而馬政克修田賦定

而民窮少恤篤近舉遠本固邦幸甚臣等幸

甚謹題請

旨嘉靖十年十一月二十二奉

聖旨是這地上既該侍郎科道等官會同查勘明白處分
停當一切事宜都依擬行今後敢有違例奏討混占侵賴
的該部該科指實叅奏重治各房每馬百匹止撥與旗
名難以喂養還着兵部查處具奏定奪欽此

山東

採災疏

山東等處承宣布政使司東昌府知府臣陳等謹

奏爲十分水患災傷衝倒城垣滄死人畜懇乞

天恩分豁賑救以全民命事據館陶縣申稱本縣地方被

漳衛二河山水泛漲衝塌官民房屋共二千二百餘

間滄死人口二百六十九名口滄死牲畜一千五百

頭匹衝漂雜糧二萬餘石武城縣申稱洪水泛漲將

城西門衝倒坍塌城牆共約三百餘丈西北門城牆

灌倒二十餘丈田禾盡皆滄沒人口頭畜傷死不計

其數續又據臨清州恩縣各申稱水患異常田禾淹沒乞要蠲免錢糧庶存生命等因各到府隨行委本府推官曹錦親詣各該州縣沿坵履畝從公踏勘委係重大災傷民不堪命開報前來臣叨司民牧實切憂惶當即親詣武城等處親行踏勘各該父老鄉村人等環泣盈庭臣不勝痛心臣等竊聞

國之所恃者民民之所恃者食故聖王遇洪水之災命官敷治不於艱食鮮食之憂而春秋大水之書惟以畏天災而重民命爾為照山東地方連歲災傷重以兵燹瘡痍未起呻吟甫息近荷

聖訓軫念黎元曲加賑貸予遺之民方始還歸故土結廬安集乃今歲秋禾結秀利養垂成遠邇之民方將欣欣然有更生之望矣不意六月以來淫雨為災澍旬如注川澮丘畛入望瀾漫致將官民田稼盡行滄沒至七月等日漳衛二河漏流衝決上下幾數百里武城館陶等處洪濤巨浸勢如江湖城外水深一二丈城中之水深四五尺蕩覆官廨傾倒城垣里居民舍漂沒殆盡老幼婦女救死扶傷或架木以居或抱樹而立其徬徨痛苦枕藉而死者幾二三百人長號慟哭之聲震於原野父老相傳蓋百年來未有若此之

大患也見今死者未瘞病者未甦流離凄苦之狀殆有耳不忍聞目不忍見者即今若不由為議處將來道瑾相望里社空虛甚或流移嘯聚勢所不免則地方之患尤有不可勝言矣查得戶部原議災傷蠲免事例止於存留糧內除豁其起運京邊不行蠲免但今歲災傷委係十分重大比與常年不同臣等待罪地方日擊時艱實有不能一日寧處者矣臣等查得館陶縣每歲起運北門等處糧草共折銀四千六百兩有零武城縣起運隆慶等處糧草共該銀二千九百兩有零并恩縣臨清等處兌軍存留糧共一萬三千六百石有零此皆歲辦錢糧刻期起解但今地方委係十分重大災傷流離無措如蒙伏望

皇上軫念民窮將前二縣錢糧不分起運存留通行蠲免少蘇民困如果以繫干

國計歲不可缺亦乞

勅下撫按衙門將本布政司或本府在庫堪動錢糧議處抵補武城館陶二縣起運京邊之數其兌軍米應該上納本色者亦乞查照近日淮揚被災事例每石連耗准折銀五錢亦照前抵補惟復查照近日輔臣建議准於太倉銀內動支抵補真定等處災傷蠲免之

數行令該縣僉派殷實大戶給文倒解各照原定倉口上納其存留等項糧米花絨并各馬房派剩錢糧原係裁省浮費解送太倉者俱乞通行蠲免慰撫黔黎再照臨清州勘災九分恩縣勘災六分見今委俱漂沒艱難困苦除起運照舊徵納外乞將二處兌軍米亦查照前擬每石折銀五錢或四錢令其從輕辦納其存留并派剩錢糧亦各照前擬通行蠲免毋至苦徵逼勒以致逃亡待水退冬初或明春仍望通行委官分投賑濟使垂死之民得延殘喘庶催科停而衆心少安

德澤流而邦本自固地方幸甚臣等幸甚臣等下情無任懇切翹望之至

旌表貞節疏

山東等處承宣布政使司東昌府知府臣陳謹
奏爲乞

恩旌表節婦以勵民風事據莘縣申稱伏覩

詔書內一款孝子順孫義夫節婦有司開具實跡奏聞以憑旌表不許里書人等指勒刁蹬以致展轉無由上達欽此欽遵行據本縣新一鄉里老并年高知因人熬高等到官各結稱民人張英已故女張氏自幼委

的德性堅貞舉止閑雅比年一十七歲於天順五年十二月內憑媒歸配本縣民人王惠爲妻自結髮以來糟糠荆布晝操井日夜供織紡至成化二年三月內伊夫病故張氏方年二十三歲在家晝夜悲號誓不再嫁父母舅姑俱亡內外親宗無倚止撫二子王大聰王大楫聰三歲楫一歲張氏織紡度日教子耕田成人本婦守節六十三年至八十六歲於嘉靖八年二月初九日病故生前委的清白無玷貞節實跡顯著節經合干上司屢行查勘明白今蒙覆查生前委無別項違碍情弊相應旌表如虛各甘重罪等因

具結到縣轉申到府案照先爲前事承奉山東布政使司分守參議陳沂劄付并巡按監察御史廖自顯批申已經備行該縣覆查去後今據前因臣等竊惟夫婦人倫之本貞節風化所關世降風移偷薄滋甚如栢舟之誓死者幾何人哉今照本婦配醮甫及六年守節至八十餘歲復夫喪而晝夜悲號撫遺孤而耕織自給况其形影相吊四顧無依草莽寒門一貞自許比蓋棺而論定真守死而不移謂非有得於天地之正氣不可也臣等竊聞之旌別淑慝表厥宅里彰善癉惡樹之風聲蓋

聖王持此以勵世風者也仰惟

聖明御極以綱常治天下節義如斯人者固宜崇獎以爲
天下勸矣如蒙乞

勅該部議擬照例旌表施行庶褒往懿於前寔以勵人心
於後而於世道亦不爲無補矣臣等不勝瞻望感戴
天恩之至

優禮大臣疏

山東等處承宣布政使司爲乞

臣優禮大臣以勵風化事據萊州府申准浙江紹興府關
查得致仕南京尚書陳雍由成化甲辰科進士歷官
四十餘年勤勞政績傳播中外嘉靖四年間荷蒙
皇上簡用之時輒就引疾恬退雖其嘉謨嘉猷未罄厥施
而今齒德則兩浙致仕大臣亦未聞有出其右者也
該本府奏奉

欽依節該禮部覆題奉

即旨陳雍累朝舊臣年登九袞德壽可嘉賜以羊酒就着
浙江巡按御史及門存問仍月給食米二石歲撥人夫
二名欽此欽遵爲照致仕

內閣大學士毛紀今年壽登八十比之陳雍年則相若
而其德業勳望則非陳雍所可企及事體重大故本

府備呈二院乞具奏以隆

聖化等因具申到司案照先蒙巡按山東監察御史何

批已行該府查報去後今據前因看得致仕

內閣大學士毛紀齒德俱尊士林推重既經該府查有

致仕尚書陳雍存問之例而大學士爲密勿重臣

累朝耆舊其在

聖明之世尤宜褒表以風天下者如蒙合無比照前例

奏請優禮存問用示

特恩則於世道未必無補而老臣感激之私行將不朽
矣

知縣耶鑑從公踏勘先年原額徭糧地三千五百餘
頃今均過白地八千九百餘頃每白地二畝五分納
糧一畝共該徵糧地三千五百餘頃緣比年未曾踏
丈貧富不均或四五畝納糧一畝者或十數畝納糧
一畝者又或一畝地納糧一畝者甚為不均今皆沿
坵復畝丈量明白隨就從公分派每地二畝五分納
糧一畝俱各均勻停當貧富相安已於嘉靖十一年
造入黃冊去訖逃移之民間風復業者甚多近奉戶
部明文開種各處田糧俱照舊額徵納如有告發干
已田糧不均等項隨事查究改正不許一槩丈量變

亂版籍等因備行司府轉行到縣蒙此竊照先年地
畝不均稅糧偏重以故民逃地荒在在相望近自均
田之後稅糧頗輕流民稍稍復業今一聞仍照舊額
徵辦小民無知互相驚惶咸思逃去若不早為安輯
誠恐流移之後收拾甚難事干地方不敢緘默如蒙
乞為轉達合無仍照嘉靖十一年新均卷冊坐派稅
糧不必仍踵舊轍致滋奸弊庶小民安便錢糧易完
等因具申到府卷查得先為處置拋荒地土以供原
額錢糧事嘉靖四年該存平高唐等一十六州縣民
人孫林等俱各奏稱地糧不均貧富受累乞要丈量

等因節奉

欽依并都察院勘合備行本府已經通行所屬踏丈明白均派稅糧造報文冊呈繳外續於嘉靖十一年十二月內爲

請因撫臣條陳地方事宜早

賜議處以紓民患事該戶部題稱丈地均糧未免紛擾除把縣田糧先已清丈外其餘不許槩准丈量題奉

聖旨是依擬行又經通行遵依外隨於嘉靖十二年正月內爲乞

恩絲治豪官評地不均偏糧苦害在山貧民未累不得安生等事該戶部覆題奉

聖旨近年各處地方田地多有稅糧不均遺累小民若有被人告發的還要與他清查丈量均派便通行天下撫按官遵行欽此亦又經通行遵依去後今據前因爲照均田之法自古稱爲仁政蓋帝王公天下之大法萬世所當率由而不可易者也及伏讀

大明律內一款凡欺隱田糧脫漏版籍者一畝至五畝笞四十每五畝加一等罪止杖一百其田入官所隱稅糧依數徵納若將田土移坵換段那移等則以高作下減贖糧額及詭寄田糧影射差役并受寄者罪亦

奏疏 三十五
如之其田改正收科當差等因夫成周則壤成賦漢世限民名田載諸經傳班班可考而我

明律令之設又所以渙大號而風天下者也蓋有田則有租固古今之通義而世之病難行者亦惟以亟奪富人之田爲辭耳查得本府先年未經丈量之時富者田連阡陌而飛詭稅糧貧者地無立錫而望空賠補故貧困之民力不能支輒就相率逃去其地雖存無人承種而入望郊原鞠爲茂草其應納稅糧未免貽累見在十排人等賠補又不能支則又相率逃去而該納稅糧無人承辦則未免開作地荒民逃如在平縣嘉靖四年邊糧邊草至今拖欠無從追補而官之受累百姓之流離迄今言之良可痛心幸蒙

聖明御極軫念民窮

勅下所司各行丈量故數十年來逃者思復居者獲蘇而每年錢糧按季徵收如期而完者顧獨無所自哉近該言官論列要將天下田土通行丈量實爲均平至意該部慮恐紛擾或又差官不敷故反覆論奏欲行停止夫仁政始於經界王道貴於得民均田之舉夫人孰不知爲美談哉但事出因循法行有漸竊詳該部之意蓋謂各該地方原未丈量者今若一時並舉

不無紛擾多事故其言曰除杞縣田糧先已丈量外其餘望風告擾不係干涉已身本戶之事土具浮泛詞語告要清丈者不許槩准丈量如有應行查究弊端斟酌施行則其安靜養民之意亦自可見非謂已經丈量明白者仍復照前日貧富不均之舊也及觀後次具題奉有

明旨各處稅糧不均遺累小民若有被人告發的還要與他清查丈量均派則

帝王子惠困窮之意尤爲懇至奉將

德意或猶有不可但已者也近該臨清州具申請明奉

巡撫都御史袁

批該州地畝錢糧既已丈量明白

毋事更張又起一番告擾如果民間稱便姑照均定

冊卷徵派等因并巡按山東監察御史方

批該州

地上既經丈量給帖徵辦明白卽此便是版籍已定

豈容別有浮議仰照均定冊卷徵派施行等因仰見

臺端深惟民隱悉破群疑而閭閻小民實受其福是

固古人先天下之憂而憂者也但各處豪右奸頑之

徒不知該部原題來歷不見本院明文妄爲浮言謂

仍該照先年之舊小民無知被其眩瞽互相驚疑咸

思引去本府耳聞目擊實竊憂之且該部謂版籍已

定不必紛更然本府丈量文冊已經造過者數年于茲矣又於嘉靖十一年大造黃冊呈之

當宁送入後湖是非版籍已定之謂平萬一各該州縣等官不知奉行妄照先年之舊則必舉近日節奉

欽依業已經界者而盡棄之由是另行委官重復踏丈退給各主改派稅糧且將原造文冊通行廢棄罷經界之規而聽豪民以影射壞中止之稅而苦竿獨以包賠且又從新造冊工金紙劄所費不貲朝更夕改駭民視聽求以安民反以擾民竊恐該部原額之意未必如此而奸頑豪俠所以敢於貪贗者獨以是藉口

焉耳除臨清一州奉有明文遵照外所據高唐堂邑聊城等州縣事同一體相應通行議處以安地方如蒙伏乞 軫念窮民俯賜明示通行本府所屬州縣除原未丈量者遵奉

明旨候有被人告發另行外其自嘉靖元年以後十一年以前但係奉有

欽依曾經丈量明白者俱照近年新經丈過畝數起科不許妄稱近日事例希圖變亂如有官豪勢要及富室得過之家恃強沮撓擅更成法及生事奸頑出名奏告者俱悉繩之以法從重究問仍將原詞立案不行

用正井田之規毋墮已成之業如此庶錢糧易完奸
弊可杜而凋瘵之民亦得少蘇矣地方幸甚生民幸
甚為此理合具申伏乞

照詳明示以憑遵奉施行職冒昧陳言無任待罪隕
越之至

均田議

東昌府為比例分豁地土均平糧草事准本府知府

陳關蒙

據山東監察御史方 批看得丈地均糧事體重
大仰東昌府再加詳議緊者應否通行作急具由申

查仍查取先年均平田糧文移送院以考良法律官
吏有所持循此繳奉此卷查得先為處置拋荒地土
以供原額錢糧等事該民人龐恕等奏已將本府所
屬茌平高唐等處各行踏丈田糧均平民漸復業臨
清堂邑聊城等處近經奏告亦漸施行博平縣事體
相同未經奏告除案候外今奉前因為照井田之政
為聖王公天下之法而欺隱田糧則律之所必究者
也照得本府所屬地方中間多係軍民相雜又兼
王糧子粒在內及貴家大族田連阡陌交相影射以致
貧無立錫之地間有地去糧存徵之富家則冊籍原

未過割徵之本主則戶丁俱已逃亡乃將遺下錢糧致令十排人等望空陪補矧民有土著遷移之不同地有肥磽荒熟之不一嗷嗷控訴乞要照例均糧以紓民力本府於嘉靖九年六月內爲廣詢訪以脩政務事內一均田土以惠貧民已將前項事宜呈送本院乞賜施行續該堂邑等處民人奏告蒙行本府見今俱各丈量將完查明造冊其臨清等處姑待秋成次第舉行伏讀 本院明示行仰查勘槩省應否通行此寔父母天下一視同仁之心固匪直東山之民之受惠而已也夫則壤成賦中邦仁政始於經界古

之法獨不可行於今乎顧時異勢殊或亦有不能盡同者要在詳考而徐圖之固不濟矣竊照本府所屬多係平原曠野無丘陵澗谷之隔故其舉事無多牽制近年漸次經營亦頗就緒今照萊州知府竇明之議區畫詳明志存復古蓋本官閱歷既深詢謀亦審故敢上瀆明公爲民作福此亦一時之遇也第恐濟兗登青或近山或濱海或當河流地壞之餘或值旱荒相繼之後售業頽安民生未裕舉事之間有無勞費人情物理有無相宜此非本府所敢知者况今秋禾蔽野農務方殷良法誠在可行揆時似亦有待合

無俯賜鈞裁通行各府從實查勘均田事宜於民情
事體是否相應其一應支用財力作何區處或舊業
相安而不復改圖或貧民偏累而時當通變逐一議
處詢謀僉同如果可行乞待豐收農隙之時行各守
巡督同各府州縣掌印官或委隔別州縣賢能官員
從公踏勘實在成熟地若干應該納糧若干拋荒地
若干的係何人承種應該辦納糧差若干大約通計
一州一縣田畝之多寡以爲坐派稅糧之重輕中間
果係田畝項數有餘各從寬分派止足原額稅糧不
許分外加添重困小民至於主持運量東多益寡務

使疆界止而賦稅平宿無祛而民生裕則固存乎其
人爾但事體重大古今罕以爲難揆時審勢以爲弛
張緩急之圖則惟臺端裁處施行冒昧陳言無任悚
息之至

採災議

東昌府爲地方連歲水旱相仍乞

恩曲賜蠲免以惠小民以固邦本事據在平清平聊城博
平等縣申稱各該地方上年一冬無雪今春至夏不
雨至六月間方纔得雨晚種穀豆等田正在長茂之
際不意七月初六等日天降狂風驟雨冰雹大作大

者如拳中者如鷄卵小者如核桃杏子打毀田禾數
百餘頃揭起房屋三百餘間拔折樹木一千三百餘
株及打死民人曲仲強姜連等數命見今積水成湖
將所種晚田穀豆等項盡行滄沒卽今坐派秋糧馬
草在邇將何輸辦及據堂邑縣申稱本縣天降暴雨
浹旬如注水勢瀾漫南北長七十餘里將城墻并塚
口及民間房屋田禾盡行滄沒錢糧無措乞行蠲免
情由到縣各申到府已經通申合干上司并行委本
府同知蔡休等分投踏勘委係災傷重大辦納艱難
備行到府據此職等竊惟